

ubi ad eum venerunt Missi GODEFRIDI Regis Daniae &c. rectius in Codice MSto legitur. Carolus habuit CONVENTUM &c. & pro Godefridi scriptum est Sigifredi.

In actis anni DCCLXXV. verba hæc, Conjuratio Orientalium Francorum contra Regem exorta, & citò compresa est; ita supplenda sunt: Conjuratio Orientalium Francorum, quæ vocatur Harrati, contra Regem exorta, & citò compresa est: Harrati purum putum est vocabulum antiquæ linguae Theotifæ, sive Germanicæ, pro quo nunc dicitur einharter Raht, hoc est, durum Consilium.

In actis anni DCCXCIII. post verba, Patriarcha Hierosolymitanus reliquias de Sepulchro Domini per Monachum quendam Regi transmisit; addenda sunt hæc: & Azan Praefectus Urbis, quæ dicitur Osca, claves Civitatis per legatum suum cum aliis muneribus misit.

In actis anni DCCCII. pro Hemgaudum Comitem legendum est Helmgaudum.

In actis anni DCCCIII. pro Ribbito legendum est Rihboto.

In actis anni DCCCIV. ubi in Pithœana editione legitur: Capcanus Princeps Hunnorum Aquas ad Regem venit, & ut postulans inter Sariam & Carnontum habitandi locum accepit, rectius in Codice Caſareo scriptum est: Capcanus Princeps Hunnorum Aquas ad Imperatorem venit, & ut postulavit, inter Sarabiām & Carnontum habitandi locum accepit. Sarabia finē duōe eadem est Urbs, quæ nunc Zagrabria vocatur, & ad sinistram Savi fluminis ripam è regione Segeſtia inflata sita est. Carnontum autem, sive Carnuntum est opidum Haimburg ad Danubium.

In actis anni DCCCXI. ultima hæc verba editionis Pithœana, Hemmingo Danorum Regis defuncto, pertinent revera ad sequentem annum DCCCXII. hoc modo: Hemmingo Danorum Regis defuncto, Sigifridus nepos Godefridi Regis, & Anulo nepos Herioldi succedere volentes, &c.

In actis anni DCCCV. ubi in Pithœana editione legitur: Exercitus Francorum à Ludovico Imperatore ad auxilium Herioldo Danorum Regi ferendum contra filios Godefridi in Nordmanniam missus, cùm adversarii eis congregati non auderent, circumquaque vicinis pagis * & acceptis populorum obsidibus XL., reversus est; legendum est: circumquaque ex vicinis pagis acceptis popularium obsidibus XL. &c.

In actis anni DCCCXXXIX. verba hæc mutilla, Bulgari navibus per Dravum fluvium venientes, quasdam villas nostrorum flumini vicinas * in palatio Camerarius constitutus, & Hludharius in Italiam profectus est; Supplenda sunt hoc modo: quasdam villas nostrorum flumini vicinas incenderunt. Bernhardus Comes Barcinonensis in palatio Camerarius constitutus, & Hlotharius in Italiam profectus est.

Acta anni DCCCXXXV. & alia anni DCCCXXXVI. in Pithœana editione perperam confunduntur propter omissionem posterioris numeri, qui collocari debet ante hæc verba: Imperator in palatio Thœdenhove &c., utpote ubi acta anni DCCCXXXVI. incipiunt. Quæcumque autem in eadem editione Pithœana referuntur ad annum DCCCXXXVI. & his incipiunt verbis. Ticinum in Italia &c.; ea revera pertinent

A ad annum DCCCXXXVII. ideoque numerus ibi corrigendus est. Similiter & sequentium quatuor annorum numeri corrupti sunt, & pro DCCCXXXVII. scribendum est DCCCXXXVIII., pro DCCCXXXVIII. scribendum est DCCCXXXIX.; pro DCCCXXXIX. scribendum est DCCCXL.; pro DCCCXL. scribendum est DCCCXLI.

In actis anni DCCCLII. pro eo, quod in principio mendosè legitur, Genaldus Normanus, legendum est Herioldus Nordmannus. In ejusdem anni actis locus ille, quem Pithœus in editione sua afterisco notavit, corrigendus & supplendus est hoc modo: profectus est in Saxoniā ob eorum vel maximè causas (4) JUDICANDAS, qui à pravis & subdolis (5) JUDICIBUS neglecti, & multis modis, ut dicunt, legis sue dilationibus decepti, graves atque diuturnas patiebantur injurias.

In actis anni DCCCLIV. ubi in Pithœana editione mendosè & mutile legitur: Ibique inter Horuc Regem Danorum, & Gudum filium fratris ejus, qui * etaneus ab eo regno pulsus piratico more JUSSIT, orta contentione &c., corrigendus & supplendus est iste locus hoc modo: Ibique inter Horic Regem Danorum & Godrum filium fratris ejus, qui etaneus ab eo Regno pulsus, piratico more VIXIT, orta contentione &c.

C In actis anni DCCCLVIII. ubi in Pithœana editione legitur: ille intrinsecus subdole faviendo * videndo disperderet; sublatu asterisco, & deleta superflua voce videndo, legendum est: ille intrinsecus subdole faviendo disperderet. Erroris ansam præbuit negligientia librarii; quippe qui tres posteriores syllabas verbi faviendo perperam repetiit, scribens faviendo viendo, unde porrò mendum mendo austum, & ex viendo videndo factum est.

D In actis anni DCCCLIX. ubi in Pithœana editione mendosè legitur: A quibus honorifice suscepimus, cùm de gestis præteriti anni Regem per omnia rationabiliter excusaret * infamia, Apostolica fultus EPISCOPUS rediens &c., sublatu asterisco, legendum est hoc modo: cùm de gestis præteriti anni Regem per omnia rationabiliter excusaret infamia, Apostolica fultus EPISTOLA rediens, &c. Excusare aliquem infamia idem hic est, atque Excusando liberare aliquem infamia.

E In actis anni DCCCLXIII. post verba, injuste vero, sicut illi refcriptis & assertioribus firmare conantur; sequitur in Pithœana editione: Propterea partis utriusque scriptorum fieri his Annalibus inferendam esse judicavi, discernendæ rei veritatem lectoris arbitrio relinquens. Et hæc quidem sunt Apostolicae Sedis Decreta Synodalia: NICOLAUS SERVUS SERVORUM DEI, &c. In antiquo autem Codice MSto, de quo in præsens agitur, omessa sunt scripta illa utriusque partis, eorumque loco post verba, firmare conantur, legendū hæc: Scripturam autem utriusque partis quisquis curiosus scire desiderat, in nonnullis Germaniæ locis poterit invenire. Sequuntur deinde in eodem codice MSto immediata acta anni DCCCLXIV. quæ ibi incipiunt bis verbis: Hludovicus Rex mense Augusto ultra Danubium cum manu valida profectus &c. Corrigenda ergo est Pithœana editio, utpote in qua verba hæc, Guntharius Colonia Civitatis

(4) In Pithœana editione perperam legitur vindicandas.

(5) In Pithœana editione perperam legitur iudicium.